

衆妙仙方目錄

諸風門

諸寒門

中暑門

中濕門

黃疸門

下血門

吐血門

出血門

遺精門

淋濁門

疫瘴門

癰疽門

諸瘡門

眼目門

鼻門

耳門



衆妙仙方卷之二

諸風門

愈風湯治產後中風口噤手足瘳癱如角弓狀亦治
血暈四肢強直

荆芥 畧炒為末

右每服三錢豈淋酒調下童便亦可其効如神
又方加當歸等分入酒少許水煎灌下即醒
按此方為婦人產後中風而設也

中風難治之疾姑備方俟采

絲瓜子研成漿加防風荆芥各一兩 升麻 五錢

右剉薑三片水一大盞煎成入絲瓜漿灌下可解
如手足麻痺用羗獨各七分煎湯洗

治膝風

陳艾菊花作護膝灸自除患

防風細辛草烏等分為末擦靴襪中能除風濕健

步

捉虎丹 又名一粘金

專治風寒暑濕脚氣不問遠年近日一切走注疼
痛不可忍臨發時空心服一九趕到脚面上赤腫
痛不散再一九趕到脚心中出黑汗乃除根如病

在上食後臨卧酒下自然汁出定痛為驗及中風
癱患麻痺不仁手足不能屈伸偏枯酒下二丸進
二服初中風不省人事牙關不開研一九酒調灌
下一醒是驗

白膠 另研草烏 去皮臍 五靈脂 地龍 去土木鼈

子一槌去油各乳香 沒藥當歸 各七錢半 射香二錢

分五京墨 燒烟盡一錢半

右為末和勻糯米粉糊丸芡實大温酒研化一九

神効

石膏散 治卒急中風痰厥舌強不語不知人事石

膏醋碎七次不拘多少

右為細末每服二錢溫水調灌即醒

獨活酒 治中風遍身盡冷口噤不知人者

獨活 四兩去蘆

右用好黃酒四大盞煎分二三次熱服

苦參丸 治狂邪發惡或披頭大叫欲殺人不避水

火 苦參 不拘多少

右為細末煉蜜為丸如梧桐子大每服二三十丸

薄荷湯下亦治傷寒汗後口發狂言並皆服之

神栢散 治中風不省人事涎潮口噤語言不出手

足躄曳得病之日便進 此藥可使風退氣和不

成癱人卒有此證無藥去處用

栢葉 一握去枝 葱白 一握同根

右咀咬無灰酒一大碗煎一二沸去滓溫服不飲

酒須分四五次

蘆草神方 治破傷風有回生之功此藥甚效

藜蘆 一兩 甘草 五錢

右大暑前剉取藜蘆陰乾去鬚用防風二兩熬水

將藜蘆洗過用木甌蒸訖晒乾照前再洗再蒸再

晒如此者三遍剉碎用砂鍋炭火上焙黃色同甘

草搗為末收貯如遇有破傷風或牙關緊閉發搐不止大人稱三分用好黃酒半鍾調服如發搐重者四分小兒稱一分或一分半皆用好黃酒調服少頃吐痰一碗或二碗許若發渴用米飲補之孕婦不可服服藥時封閉門窗服藥後忌生冷三日

疎風順氣丸 專治參拾陸種風七十二般氣去上熱下冷腰腿疼痛四肢無力多睡少食漸漸羸瘦懶動顏色不完赤黃惡瘡口苦無味積年癩塊男子傷虛女人無嗣久患寒熱瘡疾吐逆瀉痢便成癆瘵百節酸疼初生小兒百歲老人皆可服之

大黃

五兩用酒洗過薰黑色

麻仁

微炒去殼取仁二兩

山茱萸

酒洗取皮

二兩 山藥

二兩

郁李仁

湯去皮二兩

兔絲子

油浸酒煮二兩

獨活 一兩 牛膝

酒浸二兩

枳殼

去穢炒

檳榔 二兩

車前子

酒浸二兩半

木香 五錢 木瓜

酒浸二兩 防風 酒浸二兩

右為末煉蜜為丸如梧桐子大每服三五十九茶

酒任意下百無所忌平日臨卧各一服太能捕精

注顏疎風順氣 此方出醫林集要脚氣門專以

大黃一味為君以麻仁檳榔等八味為臣而以枳

殼獨活二味為佐使本方大黃原是五兩蓋中年

以後之人過用厚味酒肉多有痰火且不能遠房

事往往陰虛火動動則生風醫書所謂一水不能服五火是也故此方惟降火疎風為主後人不知立方之旨恐其性太猛乃以五兩改作五錢而又妄加當歸地黃等三味使古方服之無効甚可嘆也

大神効活絡丹 治風濕諸痺筋骨疼痛清心明目

寬胸益血養氣煖膝腰臂疼痛口眼喎斜行步艱難筋脉拘攣年四十以上每服一九至老不生風疾大効

白花蛇酒浸焙烏梢蛇酒浸焙麻黃去節防風

甘草炙官桂皮粗草薹剉羌活一玄參 天麻

藿香去土何首烏 白芷 黃連 黃芩 熟地

黃酒浸大黃 木香以上各二兩細辛去土 赤芍藥

硃砂另研沒藥另研丁香去土姜蚕炒 天竺黃

敗龜板酥炙乳香另研虎脛骨酥炙人參去蘆天

台烏 安息香 青皮 黑附子炮去皮 香附子

白豆蔻 骨碎補 茯苓去皮 白朮 當歸酒浸

沉香以上各一兩全蝎二兩半去毒葛根一兩半 葳靈仙酒浸二兩半

血竭半七錢犀角屑 地龍去土麝香另研 松香

脂去土五錢各 兩頭尖酒浸二兩貫芩二兩牛黃二錢半

另研

片腦

一錢半
另研

金箔為衣

右五十二味為極細末煉蜜為丸如彈子大每服
一丸細嚼溫酒或茶清晨送下隨病証上下食前
食後服之如頭風播茶送下

稀蒼丸

專治

肝腎風氣四肢麻痺骨間疼痛腰膝

無力亦能行大腸氣治三十六般風甚効此草處
處有之俗呼為火欬草其葉對節而生葉似蒼耳
春苗秋花末結實法用五月五日六月六日九月
九月採葉淨洗曝乾鋪入甌中用好酒拌蜜層層
勻灑蒸之復曝乾如此九次碾末煉蜜為丸如梧

桐子大每服四十九或五十九空心無灰好酒送
昔益州張乖崖詠進稀蒼表云誰知至賤之中乃
有殊常之効臣服至百服眼目清明至千服髭鬚
烏黑筋力較健効驗多端臣本州都衙門羅守曾
因中風墜馬久瘖不語只十服其病痊可又僧嚴
智年七十忽患偏風口眼歪斜時時吐涎臣與藥
十服亦痊後丁石湖每歲製合施人無不應効乃
知乖崖之言為不虛

治鶴膝風

頭酒糟

四兩

肥皂

二箇去

皮硝

一兩

五味子

去灰

砂糖一兩姜汁半茶鍾調和敷膝上如乾加燒酒
搽搽十日就愈

蒼耳丹 治手足風濕疼痛

取蒼耳草去根不拘多少水洗淨少乾不犯鐵器
截斷搗取自然汁去黃渣夏布濾過桑柴火慢熬
成膏膏將成如稠粥時約膏一斤入蜂蜜四兩木
瓜末二兩和勻又入自然姜汁二兩同和取起以新磁
罐盛之食前白湯或酒下二三茶匙日服二三次
以緝物壓之湯漱舊疾可愈姜汁熬久則苦難
服或隨宜作丸吞之

治頭風鼻流涕神效方

辛夷仁一兩 枇杷花一兩

右為細末用醋酒調服或搗亦可

史國公藥酒方

臣謹沐

聖恩叨居相職節宣不謹遂染風疾半體偏枯手足
拘攣不堪行步醫十年全無寸效乞骸歸里廣訪
名醫至元十七年三月中驛道獲異人面臣疾傳
以神方大臻靈驗臣依方浸酒未服之先非人扶
不能起及飲一升便手能梳頭服二升手足屈伸

有力服三升言語舒暢行步如故服四升肢體通
煖百節遂和舉步如飛其効如神乞頒行天下黎
元咸臻壽域

防風 去蘆二兩治四肢骨 秦艽 去蘆二兩治四肢

革薺 二兩治骨節疼痛 羌活 二兩治風濕 川牛膝 二兩去蘆

治手足麻痺腰痛膝疼 虎脛骨 二兩壯筋骨

鱉甲 二兩治癱瘓 晚蠶沙 二兩治皮肉頑麻

當歸 三兩補血 蒼耳子 四兩搗碎去風 枸杞子 五兩

補肝腎明目 油松節 二兩搗碎 乾茄根 八兩蒸熟

治諸毒氣風濕在 加杜仲 三兩炒去絲 白朮 去蘆二

右各咬咀盛布袋中入大罈內入好酒三十五斤
封罈口浸十四日滿將罈入水鍋懸煮一時取罈
入土內埋三日去火毒氣每日清晨午後各服五
七鍾大有補益

菖蒲酒 主十二痺通血脉調榮衛治骨立痿黃醫

所不治者服經百日顏色豐足氣力倍常耳目聰
明行及走馬髮石更黑齒落再生晝夜有光延年
益壽久服得與神通

右用菖蒲削治薄切曝乾一斗生絹袋之以好酒
一石入不津甕中安藥囊在內密封泥百日發視

如綠葉色復炊糯米二斗納酒中再封四十日便
漉去渣溫飲一盞日三服其藥渣曝乾搗羅為末
酒調一錢服之尤妙一切三十種風有不治者悉
効

治中風口禁氣不得通痰不得出藥不能進若非急
救開其牙關豈能進藥以緩救之取用明礪砂一
二兩浸在好醋內愈久愈好若遇前症取一二錢
研碎楷于牙齒邊登時按開則氣通痰出藥可進
而病可愈也至驗

治中風心煩恍惚或腹痛或絕而復甦用竈中對鍋
底土一塊研碎水調服口禁者強開灌之得入下
便効

又方
卒中風不語者用竹燒漉灌之久不省人事用香
油或姜汁灌之愈

又方
中風痰壅不省人事者用白礬二錢為末生薑自
然汁調灌之

又方
治癱風瘕風大風一切諸風仍治脚氣并癩
撲折傷及破傷風服過百粒即為全人用紫色浮

萍七月半摘取擇淨者不拘多少以盆盛水以竹
節盛萍閣于水盆上晒乾為細末煉蜜丸如彈子
大每服一粒豆淋酒空心或食前化下

造豆淋酒法

用黑豆半升洗淨炒令烟出以無灰酒三升浸一
晝夜去豆將酒用之亦可常服

艾方

治暗風倒地用杜細辛為末每挑一字搗

鼻中

人方

治中風失音白殭蚕七枚為末酒調服

方

產後中風不語角弓反張用大蒜三十瓣

水一碗煮半碗灌下

治暗風及驚氣入心口暗不能言蜜陀僧研細末每
服一錢茶湯調下

又方

治口眼喎斜用草麻子去殼研碎塗在手

中心以一孟子置在手心草麻子上用熱水貯孟
中心正則急取孟子在歪塗左手心左歪塗右手
心口眼纔正急洗去藥或隨病處貼亦可

又方

瓜萎搗爛絞取汁和大麥麵搜作餅子炙令

熱熨如正便止不令大過

又方

大鱧魚一條以針刺頭上血左歪塗右右歪

塗左以平正即洗去鱧魚放之則不發

又方 大風癩疾用煉成松香白色者不計多少搗
研煉蜜和丸如桐子大每服食前蜜湯下一十九
一月後大効

治紫白癜風用秃菜根同白礬五倍子無名異和醋
搗碎先以苧麻刮熟以藥擦之三四次絕根

治赤白癜風先用生姜切開於上擦紅色次用海螵
蛸三箇搗爛入硫磺一兩用好醋煎如泥敷上三
五次即愈

治破傷風牙關緊急四肢強直用鼠一頭連尾燒作
灰研以臘豬脂調付

治破傷風浮腫用蟬殼為末葱涎調付破處即時取
去惡水立効或用魚膠一錢溶化封之又以酒調
服一錢或用路行人糞下土調付之

如聖散 治男子婦人手足拘攣半身不遂口眼歪

斜并骨節酸疼一切風疾又名舒筋散當歸酒洗
焙肉桂去粗皮玄胡索炒各等分右為細末每服
三錢溫酒調下空心臨卧各服除孕婦莫服

八味順氣散 治中風先宜服此藥以順其氣次用

治風之藥

白朮 白茯苓 青皮 去穢 白芷 陳皮 去白

烏藥 人參 各二錢 甘草 炙一錢

右咬咀分二貼水二鍾煎至八分去粗食遠服若

痰盛加半夏二錢生姜三片

星香湯 治中風痰盛服熱藥不得者

南星 六錢 木香 不見火二錢

右咬咀作一服水二鍾生薑七片煎至一鍾不拘

時服

牛黃清心圓 治諸風緩縱不隨語言蹇澁痰涎壅

盛心怔健忘或發癲狂並皆治之

羚羊角 鎊另研 麝香 另研 龍腦 另研 各人參 去蘆

蒲黃 各二兩半 白茯苓 去皮 芎藭 柴胡 杏仁

另研 桔梗 各一兩 防風 去蘆 白朮 白芍藥 麥門

冬 黃芩 各一兩 神麴 二兩 當歸 洗一兩 阿膠 炒

大豆黃卷 肉桂 各一兩 乾薑 七錢 牛黃 一兩

二錢 犀角 另研 雄黃 八錢 另研 金箔 一千二百箔

甘草 五兩 乾山藥 七兩 白欝 七錢 大棗 一百箇

右除大棗杏仁金箔羚羊角犀角麝香龍腦雄黃

另研餘藥別研為細末入羚羊角等藥七味入內

再研和勻將大棗煮熟去皮核搗爛如泥同煉蜜

為圓每一兩作十圓金箔為衣每服一圓食後溫水化下

青州白圓子 治男子婦人手足癱瘓風痰壅盛嘔吐涎沫及小兒驚風竝皆治之

南星 生用白附子各三兩川烏頭半兩去皮半夏七

過水洗

右碾為細末以生絹袋盛於井華水內擺出未出者更以手揉令出以滓更研再用絹袋擺盡為度於磁盆中日曬夜露每日換新水攪而復澄春五夏三秋七冬十日去水晒乾如玉片碎以糯米粉煎粥清為圓如棗豆大每服二二三圓生姜湯送下不拘時服如癱瘓風濕酒送下小兒驚風薄荷湯下三五圓

三聖散 治中風舌強不語

沒藥研 琥珀研各二錢 乾姜七枚全

右為細末每服三錢七分鵝梨汁半盞皂角末一錢七分濃煎湯一合與梨汁相和調下須臾吐出涎毒便能語

琥珀壽星圓 治心膽被驚神不守舍或痰迷心竅恍惚健忘及風癇等證

天南星一斤掘坑深二尺用炭火五斤於坑內燒
熟紅取出炭掃坑淨用好酒一升澆之將南星趁
熱下坑內用盆急蓋訖泥壅合經一宿開

取出再焙乾為末入

琥珀四兩研末 硃砂一兩以一半

右三味和勻用豬心血三箇生薑汁打麩糊將心
血和入藥末圓如梧桐子大每服五十圓煎人參
湯空心送下日三服局方用南星一升硃砂二兩
琥珀一兩無豬心血

玉真散 治破傷風發搐神效

南星炮 防風去蘆又各

右為末每服二錢生薑酒調服仍以藥貼傷處右
牙關緊急角弓反張用童便酒調灌下

治遍身風

採金銀花連根一二担陰乾用斤餘切碎浸酒服
其餘煎極熱湯薰及洗

克痰散 治大人小兒痰風口眼歪斜迷塞不語焰

硝八兩青礬砂四兩珍珠四錢

先將硝以河水熬三遍淨八兩共三味一起放砂
礬河水細細添煮發紅色傾石板上收起每服大

人一錢小兒五分漿水送下全在大候得法不老
不嫩為妙

治紫白癩方

川白附子二兩雄黃五錢蜜陀僧三兩水用茄子

汁和調搽上二七効

治破傷乾甲風

用蟻螯虫冬月於破爛及糞內尋有草房將嘴微搯令出水於

瘡乾處周遭搽之被覆避風汁出無恙

諸寒門

熨法 治三陰中寒一切虛冷厥逆嘔噦陰盛陽虛

及陰毒傷寒四肢厥冷臍腹痛咽喉疼嘔吐下利

身背強自汗脉沉細唇青面黑諸虛冷證皆亦用

肥蔥細切到麥麩各三升滄鹽二兩

右三件入水一大盞同和勻濕分作二次於鐺鍋

內同炒極熟用重絹縫作二包將一包熱熨臍上

冷更易一包蔥包既冷再用鹽水拌濕炒焦依前

用之至煤爛不用別取蔥麩日夜不住相續至身

體溫熱脉壯陽氣復來而守正氣養之和之

治感冒 三日內用花椒一撮水二碗煎一碗下蜜

四茶匙熱服出汗

神効沃雪湯 治傷寒陰陽二證未辨時行疫癘惡

氣相傳服之如湯沃雪此藥功力不可具述

蒼朮堅者泡刮去皮 乾薑炮 甘草炙各六厚朴去皮製

防風嫩者 白芍藥去皮 葛根各四兩

右以咀每服四錢水二鍾煎至八分去滓熱服之

不拘時服少頃取生薑蔥作羹或粥投之避風坐

卧身體微潤即愈如疫氣正相傳染清晨進一服

為佳

桔梗枳殼湯 治結胃心下痞欲死者

桔梗炒 枳殼炒 甘草炙各二錢

右以咀作一服水一盞半生薑三片煎至七分去

滓不拘時服或不用生薑亦可痰多加半夏生薑

有熱加黃芩

百合知母湯 治百合傷寒已經汁後病人欲食復

不能食常默默欲卧復不能行有寒如無寒有熱

如無熱飲食或美不美如強健人而卧不能行口

苦小便赤藥入口即吐利此因虛癆大病之後不

平復變成此疾名百合病宜服

百合七枚 知母一兩

右先將百合擘碎用新汲水二盞浸一宿當有白

沫出去却沫水了却用新汲水二盞煮百合取汁一盞去粗盛於淨器中又將知母亦用新汲水二盞煮取一盞去粗後將百合知母汁相和同煎取一盞不拘時分作二服服之

百合散

治傷寒百合病一月不解變如渴疾

百合

枯蔓根各一

牡蠣

煨為粉麥門冬去心焙

山梔仁各七錢半

甘草炙半兩

右咬咀每服五錢水一盞入生薑三片竹葉十四片煎至六分去粗不拘時服

梔子豉湯

治發汗吐下後虛煩不得眠反發顛

倒心中懊懣此藥主之

肥梔子四箇

香豉半兩

右作一服水二鍾先將梔子煎至八分入豉同煎至七分不拘時服

治傷寒時疫及傷風初覺頭痛身熱用帶根葱頭十

莖切碎以醋一盞煎稀粥飲一碗乘熱喫下以被

蓋汗出即解

又方 治傷寒已發汗未發汗頭痛如破用生薑二

兩連根葱白半斤用水二碗煎令減半去粗分三服

治傷寒鼻中出血不止用茅草花一大把無花用根以水煎濃汁食後服

又方 治陰證大効用葱白一大握用紙捲緊却以快刀切齊一指厚片安于臍上以熱熨斗熨之待汗出為度一片未効再切一片熨之

又方 治陰毒傷寒用芥菜子末新水調如膏藥貼臍上汗出為愈

又方 治時行病後犯房勞病復發男病以婦人根榴燒灰湯調服女病以男子根榴燒灰湯調下

又方 傷寒戒忌病新瘥後但少喫糜粥常令少饑

不得飽食反此則為食復不得早起梳頭洗面不得多言勞心費力反此則為勞復及瘥後百日内氣體未得平復犯房室者死又切忌食羊鷄狗肉肥膩諸骨汁及醃藏鮓脯油餅麩食之再發

如傷寒犯肉傷積食畜血小腹硬脹不能言語神思盡脫兩目直視手足僵仆難以下藥者急將紫蘇煎滾熱湯用手巾泡熱取起絞乾攤在肚腹及小腹上令人將手在手巾上與他輕輕揉運如手巾漸冷即再換泡熱手巾連連再三揉運待他宿糞硬塊或積血自下纔可看脉下藥如肛門口糞結

不通再將蜜箭導之須待宿糞或積血下後然後
看脉察症醫之庶不悞用了藥此法最穩當屢試
屢驗

又傷寒病症倘地方無明醫可請切勿憑庸醫亂用
藥劑悞用了藥反致壞事須是避風并戒飲食謹
靜自守待七日後其病傳遍經絡雖不服藥亦自
痊愈只是多費兩日守待之工夫而已却無害也
古語云傷寒不服藥為中醫正謂此耳

真金不換金正氣散 治四時傷寒五種膈氣和脾
胃止吐瀉温中下痰飲止腹痛腹滿吞酸噫痞噎

塞乾嘔惡心內受寒濕外感風邪身體沉重肢節
酸疼頭昏鼻塞未分陰陽之間尤宜服之則氣自
正而病自退又能止汗解山嵐瘴氣八般瘴疾遍
身浮腫五癆七傷或風氣所灌手足腫痛全不思
飲食如婦產前後皆可服餌霍亂吐瀉心腹疼痛
又治脾氣虛弱臟腑時鳴小兒脾胃不和時氣諸
疾及治四方不服水土凡過嶺南此藥不可缺

厚朴 去蘆皮以生薑自煎 半夏 湯洗七次 陳皮 去白

即橘 甘草 藿香葉 去梗土 蒼朮 去皮米泔

草果子 去皮 每一件各三兩先用鍋炒厚朴令香

次入蒼朮炒令紫色又入半夏炒香熱再入甘草炒黃又入橘紅炒碎方合藥再炒熱幹開衆藥安藿香葉在中心用藥包裹上約藿香葉乾方可取出同草菓為散加姜棗煎空心常服煎時不犯銅鐵器此不換真方也大人每服七錢小兒隨年歲加減煎用水二鍾熬至九分鍾林豐瀛傳

治陰証極効方 以芥菜子七錢乾姜三錢二味為細末用水調成厚餅子作一次用貼在臍上手帕縛定上放些鹽以熨斗熨之數次汗出為度

四季感冒方

蒼朮米泔水浸過三錢 甘草三分 姜五大片 連鬚葱五根

春夏加荆芥穗一分 錢五 秋冬加防風一分 錢五

右水煎服畢用被蓋體有汗即可

治永不再感冒

白芥菜子錢真者三 甘遂生 紅牙大戟各一錢

右碾末麩糊為丸如梧桐子大夜間上床之時坐服姜湯送下人壯服十二丸弱者服七丸或八丸

九九服後至鷄鳴時覺渾身骨節動饗早飯時大後行一次亦不須再補其藥隨丸隨服久丸不効

中暑門

香薷飲 一切暑熱腹痛霍亂吐利煩心等證

香薷 一斤 厚朴 薑製 白藕豆 各半斤

右咬咀每服三四錢水二鍾煎八分不拘時服加

黃連四兩名黃連香薷飲最解秋暑

辰砂益原散 治伏暑煩渴引飲小便不利心神恍

惚 辰砂 三錢 滑石 六兩 甘草 一兩

右為細末每服三錢不拘時白沸湯調下

救夏月途中熱死者不可用冷水灌沃及以冷物逼

外得冷即死宜移置陰處急取路上熱土于死人

臍上作窩多令人尿溺于臍中又取路上熱土并

大蒜同研爛水調去粗灌下

又方

濃煎灰蓼汁一碗灌之即活或車輪土五錢冷水

調澄清服効

十味香薷飲 消暑氣和脾胃

香薷 一兩人參 去蘆 陳皮 去白 白朮 黃芪 去蘆

白扁豆 炒去殼 甘草 炙厚朴 炒去皮姜汁 乾木瓜

白茯苓 去皮各 五錢 右為末每服二錢熱湯冷水任

調下

代茶湯 夏月服之以代茶健脾止渴

百术

分一錢五

麥門冬

心一錢去

右煎作湯代茶服此一盞可當茶三盞夏日吃茶水多必至泄瀉白术補脾燥濕麥門冬生津止渴也

中濕門

防已黃芪湯

治風濕相搏客於皮膚四肢少力關節疼

節疼

防已

三錢

黃芪

四錢

白术

三錢

甘草

一錢

作一服水二鍾生薑二片紅棗一個煎至一鍾不

拘時服

除濕湯

治寒濕所傷身體重着腰脚痠疼大便滯

泄小便赤澁

半夏

炒一錢

厚朴

姜製一錢

蒼术

米泔水浸二錢

藿香

一錢

陳皮

去白一錢半

白茯苓

去皮二錢

白术

二錢

甘草

一錢

作一服水二鍾生薑七片紅棗一枚煎至一鍾食

前服

瓜蒂搐鼻法

治傷濕鼻塞頭痛

右用甜瓜蒂為末令病人口含水搐一字在鼻中

流出黃水効

治濕氣流注之處痛不可忍將金銀花并葉和酒糟

研爛用淨瓦攤放火中烘熟敷患處立愈

又方 用白鳳仙花每朝取九朶口嚼將温酒送下

又治遍身濕痛

又膏藥方 將帶皮生薑自然汁一碗并葱汁一碗

葱連青帶鬚用加牛皮膠半斤慢慢火熬成膏子

入麝香一錢在內用布攤膏藥貼痛處收出他濕

水如汗即愈

四製丸 滋陰降火開胃進食盡除周身之濕

黃柏四斤成片一斤酥炙一十三次一斤人乳浸

水浸一十次無油蒼朮紙一斤炒四兩五川椒炒四兩破四兩破四兩破四兩

炒芎 右去炒藥四味用蒼朮同黃白為末煉蜜為

丸如梧桐子大每服三十九早酒下午茶湯下晚

白湯下黃栢用六斤刮去皮四斤蒼朮用斤半粳

米泔浸過刮去皮淨一斤

山精丸 健脾去濕息火消痰

蒼朮一斤先用米泔浸三日竹桑葢子汁一斗許取

九次用木杵搗為細末聽用晒乾如是者枸杞子斤

地骨皮 一斤

右俱乾研為細末與蒼朮一併細搗濾過和勻煉

蜜為丸如彈子大每服一丸或二丸白沸湯下

治濕神效火龍膏

生姜自然汁二甌用大鐵杓熬作一甌牛皮膠明
亮者二兩用一盞水熬化麝香真正者二錢研細
右將膠汁傾入姜汁內再煎待稠粘將麝香末攪
入俟溫暖適宜却量手足濕痛處長短濶窄均勻
攤開冷定自然粘貼衣被不必用油紙七八日後
漸次脫去如前法再熬貼不過六七次自愈

治濕神效煮酒方

五加皮 三兩

宣木瓜 三兩

右用無灰酒三大壺入小磁瓶內將前藥咬咀亦
入瓶內坐放滾鍋中待酒數沸取出冷一宿空心
飲六七杯不過五七瓶無不愈者

治男女下部濕癢用蛇床子煎湯洗即愈

治風濕痺四肢拘攣用蒼子三兩為散一小碗半煎
去粗方作三服或為細米糊丸如梧桐子大每服
五十丸溫酒吞下

又方 治手足為風濕所傷兼有脚氣用晚蚕沙以
米醋拌炒令熱用綿絮包熨之

五痺湯 治風寒濕氣客留肌體手足緩弱頑麻不
仁片子姜黃一兩菴活白朮防已各一兩甘草 錢五

右以咀每服四錢水盞半煎至一盞去滓病在上
食後服病在下食前服

黃疸門

白玉散 治酒疸食黃

黑牽牛 甘遂 各等分 二次用

右藥先將水半碗入鍋煮一沸五更時煎服

治黃疸黑疸酒疸用豬脂八兩亂頭髮如鷄子大二
塊同煎臨服絞去髮分二服病從小便出愈

治黃疸用絲瓜連子燒灰為末因麩得病麩湯下因
酒得病酒下數服可愈

又方 治黑疸多死宜急治之用土瓜根一片搗碎
絞汁頓服當有黃水從小便出更服

又方 通身黃腫用瓜蒂焙乾三四錢為細末每服
半字於鼻內吹上一日一度併三日如不愈用黃
芩末煎湯下五錢

又方 治黃疸身眼如金色者用東引槐樹根一握
如筋頭大者切細以水一碗煎取半碗待溫空心
頓服後三日其黃色漸散可時時飲清酒一盞則
眼中易散忌食豬魚肉麩麩煎物脩合時不可使
婦人鷄犬見之

又方 治食勞身目黃者用皂礬不以多少放沙鍋
內木炭燒通赤用米醋點赤色為末棗肉為丸如
梧桐子大每服二三十丸食後姜湯下

又方 治酒疸用田螺七枚水養去土槌碎取螺頭
切碎以熱酒浸服或用田螺煮服

治五疸柳枝車前草山茵陳各等分右咬咀每服一
兩用井花水煎服

治黃病愛吃茶

白木炒蒼朮米泔浸各軟石膏煨白芍藥炒黃

芩各一兩薄荷葉一兩牛胆南星陳皮各一兩

右為細末砂糖水調神麩糊為丸如梧桐子大每

服五六十九砂糖水下

治黃病吃壁泥

黃泥一斤砂糖四兩和泥

右為細末黃連膏為丸如梧桐子大每服五六

九空心糖湯下

治黃病吃生米

陳皮 白芍藥 神麩 麥蘖 山查 茯苓

石膏各一錢厚朴七分蒼朮一分錢三 白木五分藿香

甘草三分右咬咀每服水二鍾煎八分臨

時加砂糖蛤蜊食前服

下血門

神異方

用蜜節黃連不拘一斤二斤括洗盡用韭菜鋪甑中一層菜一層連鋪完韭菜覆之蒸令菜黃為度研為細末羅過入豬臟內兩頭扎了以韭菜厚鋪甑底置臟於菜上仍用韭菜厚蒸令菜黃為度又更又蒸如此八次合前九蒸用頭髮洗盡燒灰一斤連末用灰一兩二斤用灰二兩同臟搗爛為丸如梧桐子大用滾水點鹽少許下每服三錢即止

如仍發再服三錢立止永不發

槐花散 治便血

槐花 微炒一兩 紅花 酒炒二錢

右為細末每服二錢白滾湯下

治腸風下血方

橘紅 二兩 黃耆 一兩 火 葳靈仙 二兩 何首烏 二兩

椿根白皮 二兩 蜜 二兩 黃連 二兩 地榆 二兩

各為細末用陳老米麩荷葉包蒸熟為丸如乾加陳米湯米醋少許為丸菜豆大每服五六十丸空心服屢驗側栢葉煎湯或白滾湯送下日服三次

又方

肆物湯加好三七五分水一鍾煎六分空心服忌胡椒葱蒜煎炒惱怒

四製臍疝丸

治內痔或有血服此內消効驗

上好川黃栢厚者去粗皮淨者一斤切片分作四

處四兩用人乳半碗拌之四兩用鹽四錢和

水半碗拌之半時炒四兩用蜜水半碗攪勻拌

之四兩用無灰酒半碗拌之

俱要候水微乾炒脆為度破故子淨者八兩童便二碗浸一

宿火日數乾炒脆槐角子淨者八兩酒浸一

共為細末和勻用雄豬大腸一條洗淨蒸爛搗如

泥和前藥末再搗如乾加煉蜜和為丸每日白湯空

心送下二錢忌煎炒糟物動火熱物如腸風下血

者服之一月愈有內痔者服二月漸減其功不可

盡述

又方

用生芝麻一升揀淨日逐徐徐嚼服吃完一升即

愈

槐花散 治腸風下血臍毒槐花二兩栢葉二兩荆

芥二兩 枳殼

炒二兩 麩

右為末每服三錢米飲空

心調服或酒調下

又方

治糞前有血面色黃 石榴皮 不拘多少

右為末煎茄子湯調一錢服

又方 治糞後下血不止

茶葉 不拘多少 右以生姜汁三合和服

服臍連血止後仍服四味膏

天門冬二斤 麥門冬二斤 生地黃二斤 熟地黃二斤

右各味照常製法製過各另用水煎成膏將四味

膏合之入蜜二斤共煎以滴水中成顆為度用磁

罐盛之每清晨用數匙調煎水服

治腸風下血烏梅一兩 白芷一兩 煨存性空心米飲

調服

治下血極盛且久者

採槐樹上所生如皂夾形者名槐角數百枚入赤

土中一宿然後取去洗淨復入牛膽內吊於風前

肆拾玖日取出洗淨每空心及臨卧各吞七枚月

久其痛自愈

槐栢丸

扁栢葉鋪在下槐角在上火蒸一度將

扁栢去將槐角晒乾承露一霄明日再採扁栢
再蒸再晒再承露共九次將槐角研細蜜為丸隨
時服數十丸能去一切火并治血痔腸風如神
治尿血用蝦蟇衣草搗汁空心服或用淡豆豉一撮
煎湯服

治大小便下血用亂髮燒灰研碎酒調服二錢

治腸風下血用炒槐花荆芥穗等分酒調亦治泄瀉

又方 用豬大臍一箇穰胡荽在內煮食

又方 用茄葉燒存性米飲調下

又方 用栢子仁十四枚撚破盛絹囊內好酒三盞

煎至八分初服反覺加多再服立止非飲酒而至

斯疾以艾葉煎湯服効勝如他藥

又方

用椿根白皮北行者去粗皮酒浸晒乾為末棗肉
為丸如栢桐子大每服三五十九淡酒送下

治痔瘡下血用馬齒莧洗去土搗碎絞汁緩火煎成
膏停冷每日取少許作丸納所患處

吐血下血

其證皆因內損或因酒色勞損或心肺脉破血氣
妄行血如湧泉口鼻俱出須臾不救

側柏葉 蒸乾 人參 焙乾 各一兩

右二味為末每服二錢入飛羅麩二錢新水調和

如稀糊服

又方 用荊芥一握燒過蓋在地上出火毒碾如粉

陳米飲調下三錢不過二服

又方 用釜底墨研如粉服三錢米飲下連進三服

愈

又方治大便小便有血

茱萸共黃連 同炒不同研 糞前茱萸酒 糞

後酒黃連 製法茱萸一兩黃連一兩共一處用

酒泡三日夜取出同炒乾各為末

茱萸丸 治小便血用泡藥酒打糊為丸梧桐子大

每服五十九空心溫酒下

黃連丸 治大便下血仍用泡藥酒打糊為丸梧桐

子大每服五十九空心溫酒送下

七物方

綿花枝灰 用綿花枝一升揀淨將火煨過候冷

一在夜地上取起用破蓋一日槐花米揀淨炒黃色碾為末

五倍子 炒淨色碾為末篩出淨炒黃色碾為末

五柿餅 去底揀用大錢過碾甘草末淨細

五 胡黃連

用熟酒煮一時取起晒乾
礮為末只用三分

已上共灰二兩一錢三分合為一處和勻每服二錢空心用無灰酒調和飲下只服三次最甚者每服加一錢其血即止不發矣

治腸風下血不拘大便前後俱治

桃根

柳根

桑根

柘根

臭椿根

棟根

將六根剉碎以水鍋內熬了露一宿明日再熬滾
盆盛熏洗三四次即愈

吐血門

四生散

治凡吐血陽乘於陰血熱妄行

生荷葉

生艾葉

生地黄

生栢葉

右研細為丸鷄子黃大每服一丸或煎或溫湯化下

藕汁飲

治吐衄血血不止

生藕汁

大薊汁

生地黄各三錢

生蜜一匙

右件藥汁調和令勻每服一小盞不拘時服

吐紅方

韭菜根淨石白木杵搗爛入童便在内却用布絞去渣止將汁與便磁罐盛之置火邊令熟濁者居下不用止取其汁便之清者服之甚効

又方 用竈中對鍋底土一合為末新汲水一碗淘
取汁和蜜頓服

又方 治勞心吐血用蓮心二十一粒為末酒調二
錢食後服

治大人吐血及傷飽低頭掬重內損吐血至多並血
妄行口鼻俱出但蔽未失者無不効用百草霜以
村中者不拘多少研細吐血糯米飲調下一錢鼻
中出血用一字吹入鼻中立効皮破血出及灸瘡
出血糝半錢立止

治吐血衄血茅花紫蘇葉各五錢用新汲水一碗煎
取七分乘熱服仍用大蒜兩枚煨熟碾成餅貼兩
足心其血即止

又方

用山梔子燒存性為末吹鼻中効

出血門

人患鼻血不止即自己仰面將新鮮井水滴入鼻中
并飲井水數口即止

又方 用青蒿草搗汁飲之立愈

又方 用麝香一分沉香三分白糯米十四粒枯白
礬一錢半夏四個共為末麪打熟糊為丸如莞豆

大每服二丸用綿裹塞兩耳中立止如耳中出血者塞兩鼻內亦止

治舌間出血用槐花不俱多少畧炒研為末乾摻在血處即愈

治牙宣出血用蘿蔔搗汁一碗入鹽一錢在內不時漱口即止

治牙齒縫內出血將食鹽頻擦血出處用井水漱出即止

治熱毒上攻牙宣出血牙齦腫痛用瓦上青苔不拘多少洗淨將水煎湯濾清畧加此鹽攪勻頻頻漱之即止

治耳內出血用龍骨為末吹此入耳即止

治耳內出濃出血用枯白礬為末吹此入耳內即止

治衄血用榴花百葉者乾之為末吹鼻中立差又方 燒人髮勿令過絕研末調方寸七又吹內立已

遺精門

秘元丹 治精不禁危急者

龍骨 酒煑焙乾 靈砂 水飛各 砂仁 半兩 訶子 小者為末

煨取肉 半兩 右為末糯米糊丸如菜豆大每服三十

丸空心溫酒下臨睡白湯下

五味膏

北五味子一斤洗淨水浸一宿以手拔去核再用溫水將核洗取餘味通置砂鍋內用布濾過入好冬蜜二斤炭火慢熬成膏待數日後略去火性每服一二茶匙空心白湯調服火候難於適中先將砂鍋稱定斤兩然後稱五味汁并蜜大約煮至二斤四兩為度

金剛丸

治腎損骨痠草薺杜仲菴蓉兔絲子酒煮豬腰子為丸

水芝丸

牛膝根汁 蒼耳根汁

各二碗不入水為膏金櫻子為末半斤蓮子不去皮實肚內蒸熟取出晒乾為末和前二膏子為丸治泄精用韭菜子二兩炒為末食前酒下二錢

治年壯氣盛或久獨居精溢夢泄用紫蘇子一升炒為末每服酒調方寸七日進兩服効

治夢遺不止用黃栢四兩內一兩將童便浸炒一兩生用共為末煉蜜為丸如芡實大空心將二三十丸分做兩三次用酒送下自有深効

淋濁門

又方 治心虛蘊熱小便赤澁或成淋痛

生熟地黃 甘草 木通 各等分

右咬咀每服三錢水一鍾竹葉十片煎六分溫服

又方 治男婦諸淋

土牛膝一名苦杖根 洗淨搥碎一握水五碗煎

至一碗去渣入麝香乳香末各少許空心調服小

便內當下沙石剝剝有聲是其驗也

又方 治血淋

亂髮不拘多少燒灰入麝香少許用米醋泡湯調

下愈

又方 用真琥珀不拘多少研為末入淡竹葉心同

煎水滾幾次溫服之即愈

治沙淋用大烏豆不拘多少炒煑酒空心服

治男婦白淋痛甚者用側柏葉伍錢柳稍五錢同搗

爛水二茶鍾煎一茶鍾露一夜空心溫服三三次

即愈

治婦人白淋白帶用石蓮白茯苓等分為末空心酒

調服

治小便頻數日夜無度用川草薢不拘多少洗淨為

末酒糊為丸如梧桐子大每服五七十九空心鹽湯或酒下七服之後愈

治婦人赤白淋帶用蕎麩和鷄子清丸如菜豆大每服八十九空心白滾湯服

治男子白濁婦人白帶陳年冬瓜子仁炒為末每服五錢空心米飲調下

又方 治小便赤濁用石蓮肉連心六兩甘草炙一兩為末每服二錢燈心煎湯調下

固真丸 治小便多白濁者生蘿蔔一箇刺孔留蓋用吳茱萸不拘多少填在蘿蔔內將蓋簽定以糯

米飯上蒸熟取出茱萸焙研為末則搗原蘿蔔作

糊和丸如桐子大每服三五十九鹽酒下食前臨卧各一服

治諸淋病小便赤澁疼痛用三葉酸漿草洗淨搗汁一盞攪勻空心服立通

又方 治石淋用螻蛄七箇鹽二兩同鋪於新瓦上以火焙乾研為末溫酒下二錢即愈

又方 治五淋以多年木梳燒存性空心冷水調下男用男梳女用女梳

又方 用白礬為細末填在臍中滴以井水通即去

又方 治淋疼不可忍及沙石淋以大蘿蔔切作一指厚四五片用好蜜淹少時安鉄鏟上慢火炙乾又蘸又炙取盡一二兩蜜翻覆炙令香熟不可候冷細嚼以鹽湯送下

又方 治血淋用乾柿燒存性為末米飲湯調下
治冷淋服諸藥不効者用四君子湯內加澤瀉木通猪苓連進二服又以兔絲子研極細用鷄翎管吹入小便孔內極驗

疫瘴門

治時疫証狂言心燥結胃將死

將苦參二兩洗切碎酒二升煎去一半頓得滾熱服之或汗或無汗或吐或不吐即愈

宣聖辟瘟方

臈月二十四日五更井花水

右平旦第一汲水盛淨器中量人口多少浸乳香至歲旦五更煖令温從少至大每人以乳香一小塊飲水一二呷燕下則一年不患時疫

孔平仲云未嘗無所以故宣聖軫念世人設此術以傳濟生靈避凶趨吉不致夭橫孔氏繼今六十餘代用之

未嘗有此患

普濟消毒飲

羅謙甫云先師監濟源稅時四月民

多疫癘初覺增寒體重次傳頭面腫盛目不能開
上喘咽喉不利舌乾口燥俗云大頭天行親戚不
相訪問染之多不救先師曰夫身半已上天之氣
也身半已下地之氣也此邪熱客於心肺之間上
攻頭目而為腫盛遂處方用黃芩黃連味苦寒瀉
心肺間熱以為君橘紅苦平玄參苦寒生甘草甘
寒瀉火補氣以為臣連翹黍粘子薄荷葉苦辛平
板藍根苦寒馬勃白殭蚕苦平行少陽陽明二經
氣不得伸桔梗辛溫為舟楫不令下行共為細末
拌勻用湯調時時服之拌蜜為丸噉化之服盡良
愈全活甚衆時人遂刊於石

黃芩 黃連 各半 人參 三錢 橘紅 玄參 生甘

草 各二錢 鼠粘子 板藍根 馬勃 各二錢 白

殭蚕 炒七分 升麻 二錢 柴胡 二錢 桔梗 二錢 或加

薄荷川芎當歸身咬咀每服五錢水二鍾煎一鍾
去滓溫服如大便硬加酒煨大黃一二錢以利之
腫勢甚宜砭刺之時行疫疾雖熱毒所染其氣實
之人下之可愈氣虛下之鮮不危者故東垣製此
方以救人其惠博矣

遇仙丹 一名一粒金丹 王經畧於開通元年

赴廣東安撫在任忽患山嵐瘴氣肚脹滿無藥可
治遍榜召一時有一道人揭榜云能治此病隨付
藥一丸服之後取下一圓條形如蛇長尺許當時留
下本方云此實濟世之寶言畢轉步煙霧中騰空
而去王經畧病疾隨痊自此留傳在世凡人百病
皆因饑飽酒食生冷過度傷其脾胃心腹脹滿嘔
吐酸水面黃肌瘦飲食減少腸腹疾塊病初未覺
日文則成大患此藥能治五勞七傷男女諸般勞
嗽吐痰吐血翻胃轉食啞逆風壅痰涎冷淚鼻流
清涕水瀉痢疾心腹疼痛酒疸食黃水氣宿食不
化左癱右瘓三十六種風七十二般氣潤三焦補
精氣安五臟定魂魄壯筋骨益元陽寬胸膈暖腰
膝止疼痛黑鬚髮牢牙齒明眼目返老還少行走
輕健五七日服一服

三
脘胸臍二錢

阿芙蓉二錢

片腦三分

硃砂

麝香一分

晚蚕蛾一分

右為末放磁碗內別用火酒二鍾將射草不拘多
少入酒內煎至八分然後傾於碗內放水面以炭
火滾四五次取出為丸如梧桐子大金箔為衣每
服一丸用沙糖或梨嚼爛下之

廣南攝生論戴養氣湯方

香附子圓實者去盡黑皮甘草各稱一兩薑黃湯

微炒稱四兩煨乾宿用水淘去灰以盡為度右三味同搗羅

成細末每服一大錢入鹽點空心服皇祐至和間

劉君錫以事竄嶺南至桂州遇劉仲遠先生口授

此方仲遠是時已百餘歲君錫服此湯間關嶺表

數年竟免嵐瘴之患後還襄陽壽至九旬嘗云聞

之仲遠曰凌晨盥櫛訖水得議飲食且先服此湯

可保一日無事旦旦如此即終身無疾病矣

宋侍制李瑒瘴瘧論

嶺南炎方土薄陽燠之氣常多病者多上熱下寒

既覺胃中虛煩鬱悶便自以為有熱而醫又多用

麻黃金沸草散青龍湯等藥發表得病之因正以

陽氣不固每寒熱發則身必大汗又復投以發表

藥則旋踵受斃甚者又以胃中痞悶用轉利藥病

人下體既冷得轉利藥十無一生是瘴癘未必遽

能害人皆醫殺之也予紹興間寓蒼梧見壯客與

土人感瘴不幸者不可勝數詢其所服率用前藥

其年予染瘴病特甚繼而全家卧病悉用温中固

下升降陰陽正氣藥及炙中脘氣海三里十治十

愈不損一人予二僕皆病胃中痞悶煩燥一則昏
不知人一則願得涼藥清利膈腕予辯其病皆上
熱下寒以生薑附子作湯令溫冷服之即日皆醒
翌旦各以丹砂一粒令空腹服之遂能食粥然後
用正氣平胃等藥自得平愈既親獲効後於知識
者間用生薑附子湯療十餘人皆安更無一失又
病人煩燥但問其能飲水否若及畏冷皆上有虛
熱非真熱也皆宜服生薑附子湯沈存中良方治
瘴七棗湯用烏頭七顆七泡者治法正與此同一
服而愈但宜溫冷服欲導熱氣向下取其發緩間
有脉證實非上熱下寒面色目睛赤黃又當隨證治
之不可用附子湯予在蒼梧時十百人中惟一鄭
防禦病熱身體無汗脉洪數而浮宜柴胡湯遂以小柴胡湯服之
而愈餘方尚多莫良於此惟達者酌用焉

宋知容州新安王棊瘴瘡說

南方天氣溫暑地氣鬱蒸陰多閉固陽多發泄草
木水泉皆稟惡氣人生其間元氣不固感而為病
是謂之瘴輕者寒熱往來正類疾瘡謂之冷瘴重
者蘊熱沉沉晝夜如卧灰火中謂之熱瘴甚者一
病失音莫知其所以然謂之瘧瘴冷瘴不死熱瘴

久而不死痙瘳無不死此方書之說也愚謂痙瘳者非傷寒失音之症乎非中風不語之症乎治得其道間亦可生安得謂之無不死耶若夫熱瘳乃是盛夏物秋茅生夾道人行其間熱氣蒸鬱無林木以蔽日無水泉以解渴伏暑至重因而感疾或飲酒不節或食炙燻偶成此症其熱晝夜不止遲治一二日則血凝不可救矣南方謂之中箭亦謂之中草子然挑草子法以針刺頭額及上下唇仍以楮葉擦舌皆令出血徐以藥解其內熱應手而愈安得謂之久而死耶至於冷瘳或寒多而熱少或寒少而熱多亦有疊日間日之異及其愈也瘳發於唇驗其症即是外方之瘳本非重病每因誤而致禍亦不可以不死而忽之但診脉息極微見其元氣果虛與附子川烏等藥而愈或誤投以寒藥所謂乘氣入胃陰盛乃亡若診其脉息洪盛審其症候實熱且服和解等藥而徐活之誤投以熱藥所謂桂枝下咽陽盛則斃但診脉而用藥萬不失一然觀其形氣之怯壯察其脉息之虛實參以病之盛衰分其症之陰陽極工巧以審之其庶幾乎頃自入廣以來但用脩養之法晨興與漱先服

平胃散間或投以不換金正氣散洗面後啖少粥
已時早食申時晚食夜則服消食等藥聚會宜節
飲不宜大醉及頻數耳但天氣不常一日之間寒
煖數變却須脫著以時稍稍失節亦無深害所甚
急者省食生冷則脾胃自壯省食油膩則胃膈自
快無大忿怒以傷天和重節色欲以固真氣如此
調攝決可以無恙也

神仙太乙紫金丹

一名紫金丹 一名萬病解毒丹 一名玉振丹

解諸毒療諸瘡利關竅通治百病此藥真能起死
回生嘗製十數萬錠濟人奇効不可盡述凡居家

出入與大工動大兵及閩廣雲貴仕官行兵尤不

可無之

山茨菰

南北處處有之俗名金燈籠葉似葦花似燈籠色白上有黑點子三稜二月開花三

月結子四月初鴉蒜極相類但蒜無毛茨菰上尋矣與有毒老鴉蒜極相類但蒜無毛茨菰上

毛包裏宜辨去皮川文蛤一名五倍子搥破洗洗極淨焙二兩

麝香 揀盡血毛皮殼 千金子 揀色極白者用紙

包裏換紙研淨三錢 去盡油以色白再 紅芽大

研紙無油成霜為一度一兩 乾杭州紫大戟為上江南北方綿大戟色白者太

乾極淨焙乾一兩半 乾能人弱人服有吐 血者慎之慎之

右製法宜端午七夕重陽或天月德黃道上吉日

脩合量藥多寡預期日前主人及醫生俱齋戒沐浴浴易瀚濯及新潔衣中履襪於僻靜淨室焚香將前五味各為細末設與洗盆出入必淨手薰香各用新潔器盛紙蓋至期夙興主人率醫生焚香陳設藥品拜禱

天地畢用數盆各逐盆配合分兩攪和數百次極勻仍重羅兩徧依方用糯米濃飲調和於木臼內杵數千下極光潤為度每錠一錢每服一錠病勢重者連服通利一兩行無妨用溫粥補住要在齋心至誠極其潔淨如法脩製毋令喪服體氣不具足人婦人鷄犬見之

治一切飲食藥毒蠱毒瘴氣惡菌河沌喫死牛馬駝羸等諸毒並用凉水磨服南方蠱毒瘴癘傷人纔覺意思不快即磨服一錠或吐或利隨手便愈癰疽發背對口天蛇頭無名疔腫楊梅等一切惡瘡諸風隱癩赤腫未破時及痔瘡並用無灰淡酒磨服及用凉水調塗瘡上日夜各數次覺痒立消已潰出濃血者亦減分數

陰陽二毒傷寒心悶狂言亂語腦膈雍滯邪毒未發及瘟疫及喉閉纏喉風冷水薄荷一小葉研下

心氣痛并諸氣用淡酒或淡姜湯磨服赤白痢疾泄瀉肚腹急痛霍亂絞腸沙等証及諸痰症并用薄荷湯磨服男子婦人急中顛邪喝叫亂走鬼交鬼胎鬼氣狂亂失心羊兒豬真等風中風中氣口眼歪斜牙關緊急語言蹇澀筋脉攣縮骨節風腫手脚腰腿週身疼痛行步艱辛諸風諸癇并用煖無灰酒下自縊溺水死心頭暖者驚死鬼迷死未隔宿者冷水磨灌下 毒蛇風犬一應惡虫傷冷水磨塗傷處另用淡酒磨服

又近瘡疾臨餐時東流水煎桃枝柳枝湯磨下

小兒急慢驚風五疳五痢脾病黃癭瘰癧瘡瘤牙關緊並用蜜水薄荷小葉同磨下及搽量兒大小一圓作二三服 牙痛酒磨塗及含藥少許良久吞

下 湯火傷流水磨塗傷處 打撲傷損炒松節無灰酒下 年深日近頭疼太陽疼用酒入薄荷研爛磨紙花貼太陽穴上

諸蠱腫脹大麥芽煎湯下 婦人女子經水不通紅花煎湯下 有孕婦人不可服

一家患傳屍勞兄弟五人已死者三方士令服此藥遂各進一錠一下惡物如濃狀一下死蟲如蛾

形俱獲生其人遂此藥廣濟諸證無不驗者一女
子久患勞瘵為屍蟲所噬磨一錠服之一時吐下
小蟲十餘條後服蘇合香丸半月遂如常藥品雖
不言補羸瘦人服之並効誠濟世衛身之寶也每
料費銀不過二錢可救數十人內用山茨菰千金
子皆有子可種仁人君子合以濟人陰功不小
一牛馬六畜中毒亦此藥救之 一方加雄黃明
透如石榴子者三錢歷試治諸瘡極効

癰疽門

按素問云癰疽不得頃時回夫不得者言不得治

癰疽之法也頃時回者言癰疽生於頃刻而性命

懸於毫髮也然癰疽之名雖有二十餘症而其要

有二不過陰陽二症而已發於陽者為癰為熱為

實發於陰者為疽為冷為虛故陽發則皮薄色赤

腫高多有椒眼數十而痛陰發則皮厚色淡腫硬

狀如牛皮而不痛又有陽中之陰似熱而非熱雖

腫而實虛者赤而不燥欲痛而無膿既浮而復消

外盛而內腐陰中之陽似冷而非冷不腫而實微

赤而燥有腫而痛外雖不盛而內實煩悶陽中之

陰其人多肥肉緊而內虛陰中之陽其人多瘦肉

緩而內實而又有陽變為陰者草醫涼劑之過也
陰變為陽者大方熱藥之驟也然陽變陰者其症
多猶可返於陽故多生陰變而陽者其症少不復
能為陽矣故多死然間有生者必得明醫調治合
法百中得一耳所謂發者積於中而發於外也人
之一身皆本於五臟五臟之氣皆稟於胃氣胃為
五臟之根本胃受穀脾化之以生氣脾主肌肉胃
氣傳五臟而行血脉以經絡一身而晝夜一周癰
疽有虛實寒熱皆由氣鬱而成故外科論其原五
曰腎虛曰怒氣曰飲法酒食炙燂等肉曰服五金

八石燥熱之藥曰寢卧袒褥太厚云云總為邪氣
鬱於胃中氣盛一而體實則邪氣相搏而流注於經
絡澁於所滯血脉會聚壅結而成癰胃氣弱而體
虛則邪氣盛而宿於經絡凝澁流積血脉不潮內
腐而成疽故曰外大如麻裏大如瓜外大如錢裏
大如拳又曰膿血交粘用藥可痊又曰血敗氣衰
神仙難醫於此當委之明醫量人虛實察病冷熱
推其因究其原而後治之庶內外相應而不失中
人身已病而後痊矣

雜說

○凡癰疽初起有紅暈其紅暈中有黍米大白點者
出急服活命飲使其毒從頂而出不令別處再發
神妙神妙

○凡癰疽初起祇有紅暈無白黍米點者亦急服活
命飲使其毒從頂出不令別處再發神妙神妙

○凡人患癰疽時平生曾患過等病至今復一二見
症如曾病瘰癧今必見瘰癧如曾病脚氣今必見脚氣
倘見此症宜依標本治之

○凡製造麥飯石膏神異膏須擇一淨室不令婦人
鷄犬及孝服人有口氣體氣人來見煉藥人亦須
潔淨身體庶不厭穢

雜忌

○病時忌怒疑懼忌身體不潔之人來看忌魚羊燒
酒麪食生冷瓜果醃藏等物瘡飲口百日後不作
渴症方可入房

須知

○凡人欲免發背之苦須知行氣之術參同契易行
周流詘伸反覆二句人能味之復能從事于斯一
身血氣必無停壅不惟卻疾且難老也

或問

或問諸外科書俱用騎竹馬隔蒜灸法此集何為
不言灸也曰仙方活命飲此藥神奇甚于灸也况
頸以上沿耳兩邊一寸三分間及腦額鬢腮正面
俱屬陽位諸外科書亦忌灸不知只用活命飲為
妙為妙

○癰疽最忌發汗恐表虛不結膿後必難治凡病人
床設在室之中央四面不要粘靠床下仍須繫雄
鷄一二隻以防蜈蚣中傷

○凡癰疽有五七惡之症不可不察也煩燥而嗽或
腹痛而渴甚及泄瀉無度或小便如淋一惡也濃

血太洩腫焮尤盛膿色敗死疼痛不止二惡也喘
粗氣短恍惚嗜卧三惡也目視不正黑精赤腫腫
子上看者四惡也肩項不便四肢沉重五惡也不
進飲食服藥嘔吐食不知味六惡也靨嘶色脫唇
鼻青赤面目四肢浮腫七惡也痛息自寧飲食知
味一善也便利調勻二善也膿腫自消色鮮不死
三善也神采晶明語聲清朗四善也體氣和平五
善也若五善見二則瘥七惡見四則危

仙方活命飲

治一切癰疽發背腫毒諸惡瘡初起一服即散已

成瘡即有頂成膿易潰其効不可具述

穿山甲

用蛤粉炒黃色

甘草節

防風

真沒藥

赤芍藥

香白芷 各六分

乳香

當歸尾

各一錢

天花粉

貝母

皂角刺 各八分

金銀花

陳橘皮

各三錢

以上藥共作一劑用無灰好酒三茶盞入瓦罐內煎四五滾取出瀘去滓溫服藥湯以盡為度瘡在腰上食後服瘡在腰下空心服能飲酒者服藥酒後再飲三兩杯無藥的清酒尤妙最行藥勢

蠟礬丸

九癰疽已成即服此藥護心止痛

黃蠟

白礬

以鐵杓盛蠟置灰火上熬化生布瀘過冷稱一兩下杓再熬化入細礬末一兩攪勻取出為丸如菜豆大食遠百沸湯下八九十九服三日止每日一次

忍冬丸

忍冬即金銀花一名老翁鬚一名左轉藤開時摘取花數斤晒乾聽用臨時將晒乾花一斤同粉草二兩共為細末無灰酒打麩糊為丸酒下八九十九不拘時服每日服三次

○如閑常無事摘取金銀花四斤趁濕水洗淨入石臼中杵爛置大瓦罐內入井花水三碗無灰酒三碗調稀煎十餘沸藥性出取下生布濾去渣汁入罐再煎成膏滴水不散又將一斤焙乾同粉草二兩共為細末取膏摻入末內以酒打麪糊和入石臼中杵一二百下丸如棗豆大食遠酒下八九十丸此藥得酒良不飲酒者百沸湯下

○凡人將發癰疽惡毒半年前或乙年前必常常自覺口乾或作渴思飲茶并水或食已即饑名為中消倘有此症後發背必難治療急須每日服恙欠丸不次如是加念久服可免發背縱不免必可治

療

○凡人未發背時不作渴正發背時亦不甚渴及發背得疼慎勿自謂無恙仍須服忍冬丸每日夜各一次服至百日後覺自身饑飽如常津液不竭方止

豬蹄湯

用肥牙豬後蹄一隻自蹄尖以上約二斤半重不用鹽并花水入大瓦罐煨爛其肉取出着鹽少許與病者下飲其湯吹去罐口上油或用皮紙打去

油以鷲翎蘸湯洗患處不住手蘸洗令瘡知腥氣
易潰洗畢以抵子塗麥飯石膏但有紅暈處盡塗
無暈處勿塗

麥飯石

白麥飯石 二兩

白斂 一兩

麻角灰

四兩

○白麥飯石以一斤為率大鐵瓢盛石瓢上下以武
火煨石令紅將大鐵鈴夾瓢出火置地上用經年
米醋半茶盞淬之復鈴瓢復火如是煨淬滿十二
次去其石之燥烈性也煨後將清水洗極淨入鐵
鍋內焙乾入石臼中用石杵搗碎極細仍以絹羅

數次再用薄皮紙羅過如眼藥一斂方取聽用

白麥飯石

有大如鷲卵石者
有小如鷲卵石者

其色有青黑紅白點

相間大約以鬆脆為佳一鎚即碎者是也湖廣岳
陽樓下水岸上多有之各處山澗邊亦有

○白斂俗名隔山斂此藥處處有之在土一二尺其
形似雞卵連珠而生或長如懷慶山藥者亦是珠
來以一斤為率洗淨刮去皮刀截薄片晒乾杵為
極細末聽用

○麻角用帶頂骨不用自解者須一二年內新殺角
陳久者則骨中髓枯不能奏効用鋸鋸作三寸一

筒十字劈開作四塊取東流水一擔浸三日一日
換水一次三日後取出鐵瓢盛角下用炭火每次
煨肆五片入多恐鈐不及燒過性也須看角烟將
盡急鈐入瓦罐內布包黃糍粑一團急急封固罐
口以存其性俟冷定取出入石臼中將石杵杵細
羅過聽用

右三味照前分兩用經年米醋入砂鍋內調勻如
稀醬然亦不可太稀用文武火熬以槐枝不住手
攪俟藥起魚鱖眼泡即取出傾入大磁碗封固勿
使塵落在內將盆載井花水盛磁碗退其火毒一
晝夜先將豬蹄湯如前法洗淨抵子桃此膏塗於
患處中留一孔以出毒氣一日一換塗此膏後不
惟前痛痒諸苦頓釋而更生一糞美快雖有敏口
莫能名狀當令膿水盡出陳肉腐落瘡內所籤黑
物若蝌蚪子者一一脫下不留一顆是瘡症已痊
生新肉之候也以後敷神異膏倘中黑子未盡貼
神異膏早斂口太速則餘毒未除數年再發

神異膏

玄參

五錢
見錢天

綿黃耆 三兩

杏仁 一兩
皮尖

去

金蛇蛻

五錢

先以
淨焙

藍水洗

男子乳髮

洗淨
焙乾

露蜂房

用有蜂
兒多者

无妙淨到

黃丹

水澄飛羅細

一兩

右用真芝蔴油一斤同男子亂髮入鍋銚中文武

火熬候髮落鎔盡以杏仁投入候變黑色用淨布

濾去渣再將所熬油入銅銚子安後入玄參黃耆

慢火熬一二時取出銚子安置冷爐上半時火力

稍息旋入露蜂房蛇蛻二味將槐枝急攪却移于

火上不住手攪慢火再熬至紫黃色用布瀘過後

入前油在銚內乘冷投黃丹急攪片時又移銚于

火上以文武慢火熬不住手將槐枝攪千餘轉候

藥油變色滴於水中凝結成珠則是膏成就若未

成珠再熬少時必候其得所然後傾入淨水中三

日退其火氣日換取出置磁器內封收待用熬

此膏極難於火候須耐煩看火緊慢火猛則藥中

火發不特失其藥性且恐傷人面目慎之慎之

附治背瘡神効方

黃拘下頷一副燒灰存性白欵一兩蚕豆末一兩

○右三味合為末以米醋調勻塗瘡留頂初發者消

已發者黃水流盡即愈其愈後仍須服中流一壺

方庶免後患此方亦秘傳神驗也

附經驗良方

○治背癰乳癰對口魚口諸瘡毒方當始生未盛之時用苦天花粉一兩廣木香三錢明礬五錢均為極細末用好酒調服每三四茶匙調酒一甌空心服下如善飲者先將藥調酒一甌服下再飲空酒二甌蓋綿被睡片時遍身有涎汗出再服二次其毒即時消散妙不可言如不能飲者亦須用淡酒一甌調服如已盛或潰者服前方兼服千金內脫散歌曰當歸連翹赤芍藥白芷川芎與羌活黃連甘草及人參桔梗官桂加皂角皂角同刺存性燒川山甲焙為細末水煎加酒二三鍾此是千金真

內脫前方內每帖入參官桂俱七分甘草五分連翹一錢二分餘俱一錢此方妙在用人參與官桂庸醫不知而誤去之即無効矣又雜藥不論已潰未潰日搽日小用大箇川烏為細末黃蘗亦為極細末與川烏等分用豬膽和週圍於毒處露頂藥乾又換塗之照前三方內外治之百中無一不効也

治發背初覺者用曬乾連皮茄蒂以水煎煮作茶日服三四碗無恙

敷貼溫藥

冲和仙膏一名黃雲又名冷熨不明者用之茶酒隨

證治之

川紫荆皮五兩仲炒 又名紅肉 又曰內消

獨活三兩仲炒 不赤芍藥 二兩仲炒 白芷炒一兩仲

火木臘炒又名望見消陽春雪隨加減

右五件並為細末用法詳于後

凡癰疽流注雜病莫非氣血凝此所成遇温即生

遇凉即死生則散死則凝此藥是温平紫荆皮木

之精能破氣逐血消腫獨活土之精能止風動血

引氣拔骨中毒去痺湿氣更能與木臘破石腫堅

硬赤芍藥火之精微能生血住痛消腫破風散血

則不爛痛止則不掀作風去則血自散氣破則硬

可消毒自散五者交攻病安有不愈

凡病有三證治有三法如病極熱則此方中可倍

用加紫荆皮木臘少用三品亦能消散之但功少

遲耳如病極冷則此方微加赤芍藥獨活亦能活

血而消散之功亦稍遲而不壞病

敷貼熱藥

回陽玉龍膏性熱

草烏三兩重炒 南星一兩仲炒 軍姜二兩仲環 白

芷一兩不見火赤芍藥一兩炒肉桂半兩不見火

此方治陰發背冷流注鼓推風火損痛冷痺風濕諸脚氣冷腫無紅赤者冷痛不腫者是頑麻婦人冷血風諸陰證之第一藥用熱酒調塗用法詳後夫雜病雖見於皮膚手足之間而因必本於五臟六腑蓋臟腑之血脉經絡一身晝夜運行周而復始一臟受病必見於本臟血脉息所經之處即陰陽分手足之所屬也其為病有冷有熱熱者易治冷者難療夫冷必由臟腑元陽虛弱然後風邪得以乘間而入血氣不勻遂自經絡而客於皮膚之間血脉不能周流遂澁於所滯愈冷則愈積而不散復加庸醫而內外交攻則病鮮有不危矣學者當觀其外之為證而察其內之所屬表裏相應萬無失一此藥有軍姜肉桂足以為熨血生血然既生既熱而不能散又反為害故有草烏南星足以破惡氣驅風毒活死肌除骨痛消結塊喚陽氣又有赤芍藥白芷足以散滯血住痛苦生肌肉加以酒行藥性散氣血雖十分冷證未有不愈端如發寒灰之焰回枯木之春大抵病冷則肌肉陰爛不知痛痒其有痛者又多附骨之痛不除則寒根透髓非

常藥所能及惟此藥大能逐去陰毒迎回陽氣往骨中痛且止肌肉皮膚之病從可知矣但當斟酌用之不可太過則妙

發背發於陰又為冷藥所誤又或發於陽而誤於藥冷陽變為陰滿背黑爛四圍好肉上用洪寶丹托住中間以此藥敷之一夜陽氣回黑者皆紅察其紅活即住此藥却以冲和收功如不効欲作膿又以南星草烏加於冲和用之如陽已回黑已紅惟中間一點黑不能紅者蓋血已死可以朴消明礬礬云白丁香礬砂乳香用唾調勻於黑紅交處作一圈上用冲和蓋之至明早起藥自然去黑肉割却以藥洗之揆以生肉合口收功敷貼涼藥

洪寶丹

天花粉 三兩 姜黃 一兩 白芷 一兩 赤芍藥 二兩

右為末茶酒湯使隨證熱塗諸般熱證癰腫之毒金瘡之症

此藥一涼而已能化血為小又能使血瘀積又能涼肌生肉去死肌爛肉又及能破血退腫又能滯氣為浮能止痛又能為痛閉膿又能出膿一反一

復此方藥性無他遇涼効少遇熱効多故非十分
陽証不可輕用恐或凝寒治療費力若夫金瘡出
血非此不可乃一藥餘外但可為前二藥之佐
使若病勢大熱用熱茶調敷如稍則用酒調用以
撮膿可用三分姜汁七分茶調此藥最涼能使血
退姜汁性熱能引血潮故血退則被引血潮被逐
進退相持而成膿作破逼膿盡流也
凡瘡口破處肉硬不消者瘡口被風所襲也此方
中加獨活以去風用熱酒調如又不消則風毒已
深肌肉結實又加紫荆皮有必消之理

諸瘡門

蒲公英化熱毒消惡腫結核有奇功田間路側皆有
之三四月開黃花似菊味甘解食毒散滯氣可入
陽明太陰同認冬藤即金銀花煎以少酒佐癰疽已
破未破用皂角刺能鑽引至潰處

立効散 治下疳

燈草灰入輕粉麝香少許乾糝

薏苡仁附子敗毒散治腸癰身甲錯腹皮急如脹本
無積聚亦無熱而脉數者

附子炮 敗醬各二錢 薏苡仁十個

右劉水煎服

黃昏湯

經云常由獨行方胸中甲錯是為肺癰當宜以黃昏湯治之

合歡樹皮一掌大以水三鍾煮至半分作二服

疥瘡擦藥方

生礬 二錢

熟礬 二錢

硫黃 二錢

川椒 二錢

各為細末用麻油一小酒鍾用鉄杓內煎滾放鷄蛋一個在油內煎滾枯黑色方取出鷄蛋不用麻油放冷調前末藥擦疥瘡肥瘡立効

靈寶膏方

括萎子五枚乳香五塊要如棗大

右二味各細研以白沙蜜一斤同熬成膏每服二錢温酒化下此

洞賓祖師救發背方也

赴宴散治紅口瘡

五味子一兩 滑石半兩 黃柏半兩 蜜浸炒

共為末摻於瘡上良又便可

治瘋癩痒不可當驗過妙方

用大紅棗一枚去核入芭豆大半粒在內蒸熟隨將穀樹葉一二斤略揉一揉將癩上擦破方將棗連巴豆擦之不一二次即愈

應驗膏藥方

治遠年濕爛惡瘡并跌盪損傷久不愈者

黃蓮七錢 川芎七錢 俱用飲乳童便三四碗

將稀絹包果浸在童便內一宿取出藥渣童便聽

用 蘆甘石八兩用新銀罐盛貯大火煉紅入

石盛麩放地一宿取乳香五錢將箬葉火沒

藥去火毒聽用乳 血竭五錢 赤石脂五錢 蛇床

子五錢 龍骨二錢

將前藥俱研極細末先用真麻油半斤下鍋熬煎

次下前末藥調勻滴水成珠加黃蠟二兩即成膏

藥更要水泄火性方可取用

立効散

凡男婦背癱乳癱骨癱瓜藤流住便毒一切無名

惡疔瘡腫初起未潰只用一二貼即散已潰者只

用一二貼立穿救命如神

紫色皂角刺三錢 新鮮天花粉三錢 滴乳五粒

如細者一錢 真川椒二十粒 甘草節五條

六分 寸搗碎

右作一貼用金華酒或無灰好酒三碗先將天花
粉川椒下鍋微炒次下皂角刺滴乳甘草節再同

炒以香為度即以前酒三碗滓下慢火煮至一碗
濾去滓隨瘡上下熱服若瘡在下先藥而後食忌
酸薄酒服後側卧但覺痛定回生神効
治疥瘡神効

用旋覆花燒灰存性為細末以燈盞下竹付中所
積之油調敷即愈

下疳方

黃栢一兩分作手指大條慢火炙熟滓豬胆斗中
用二枚每炙每滓汁盡為度研細入輕粉錢餘香
油調服

又

冰片 珍珠 輕粉 揅兒茶
右研細乾香油調付濕乾末付

鳳凰散 治下疳陰頭生瘡腫痛 鷄抱過雞卵殼
內白皮 黃連 輕粉 等分 右各研勻 共一處香油
調搽

洗痔湯

川練子 黃連 瓦松 花椒 葱根 艾葉
右各等分水煎入盆內用青布一塊灑洗瘡上効

下疳又方

以孩兒茶研細末濕乾摻乾用油調貼

玉粉散 治下陰瘡痛不止滑石 蜜佗僧寒水石

煨各半 膩粉 麝香 各少許

右為細末油調敷或乾貼患處

治對口瘡用野苦蕒數根搗取汁和酒服渣付患處

二三服愈如已潰膿取韭菜地上蚯蚓搗細凉水

調付日換三四次 付湯火傷更妙

綠袍散 治口瘡

黃栢去粗皮末 青黛三錢

右為末摻患處噙之吐出涎即愈

一方加蜜陀僧一錢

橄欖散 治緊唇燥裂生瘡

橄欖不拘多 右燒灰為末以豬脂和塗患處

薄荷煎治舌上生白胎乾澁言不 薄荷取汁白蜜各

治疔瘡瘻不破方

鮮枸杞子根連皮即地骨皮洗淨搗爛以水煎濃

入輕粉二分將一小瓶盛之裏瘡一二次候湯溫

用絹帕輕洗即愈

治破爛疔瘡方

血竭一分 兒茶三分 輕粉一分 螺壳灰二分 珍珠一分

一分冰片 半分乳香 一分半沒藥 二分黃連 三分
蘆甘石 三錢 用黃連煎汁燉過七次入地出火毒
淨用一錢

右為各細末和勻將瘡用米泔水淨洗以藥敷上
神効

神仙太乙膏

治癰疽及一切瘡毒不問年月深淺已未成膿者
並治之如發背先以溫水洗淨軟帛拭乾用緋帛
攤貼之更作丸用冷水送下血氣不通溫酒下赤
日帶下當歸酒下咳嗽及喉閉纏喉風並用新綿
裹置口中噙化下一切風赤眼捏作小餅貼太陽
穴更以山梔子湯下打破傷損者貼之橘皮湯下
腰膝痛者患處貼之鹽湯下吐血者桑白皮湯下
以蛤粉為衣其膏可收十餘年不壞愈久愈烈又
治瘰癧瘦瘡並用鹽湯洗貼酒下一丸婦人經脉
不通甘草湯下一切疥木煉油少許和膏塗之虎
大蛇蝎湯火刀斧傷者皆可內服外貼

玄參 白芷 當歸 赤芍藥 肉桂 生地黃

大黃 各一兩

右為粗片用香油二斤入銅鍋內煎至黑濾去渣

入黃丹十二兩再煎滴水中捻軟硬得中即成膏
製丹法黃丹先炒黑色傾入缸內用滾水一桶泡
之再汲凉水滿缸用棒常攪浸一宿去水再炒如
前二次方研務令極細可用

陶節菴曰予常用治瘡毒并內癰有奇効忽一婦
月經不行腹結塊作痛貼之經行痛止後隨前云
治證無有不効愈知此方之妙也嘗以此膏施貼
楊梅瘡毒潰爛者甚効有一人爛頭半邊貼之亦
愈其一切瘡瘍癰瀝赤眼并眼并婦人月經不行
俱試有驗

治一切疔瘡及無名腫漏惡瘡

用蒼耳草梗中虫一條入白梅肉三四分同搗如
泥貼瘡上立愈取此虫須看草梗有大蛙眼者以
刀截去兩頭不蛀梗俟收多以粗麻綿縛之掛壁
頭其虫不死在肉經一年可取用細者用兩三條
治發背疔腫諸瘡護心托裏累有効驗

白龍丸用生白礬四兩研為細末黃蠟四兩銅器
日進三服三日而止

黃龍丸用生白礬四兩研為細末黃蠟四兩銅器
溶開去滓離火少澄入礬末且酒且攪如糊傍火

丸如梧桐子大硃砂二錢研細為衣每服三十九
清晨臨卧日進二服十日稍歇三日再服十日瘡
極危者方服前一方稍輕者止用後一方

治久遠腫毒不能收口用桑葉醋煮貼之

又方 烏梅燒存性為末敷之即愈

又方 治男女一切惡瘡拜小兒巨疹餘毒乳疽疥

瘡 用老苦絲瓜連皮筋子全者燒存性研末繞

生起每用末三錢白蜜調服日一夜一則腫消毒

散不至內攻害

透膿散 治諸癰瘡及貼骨癰不破者不用針刀一

服不移時而自透

蛾口繭 用出子蛾兒繭

右將繭兒一箇燒灰用酒調服即透若服一箇只

一箇瘡口兩三箇即兩三箇瘡口切莫輕忽

諸瘡腫毒

用癩蝦蟆生剝其皮乘熱貼諸般腫毒之上如對

口之類極見効

治各項腫毒

用白芨末以無根井水調攤紙上貼患處已成者

加大黃少許

治發背方 彭亨菴傳 亦治一切疔瘡腫

凡人中熱毒眼花頭暈口乾舌苦心驚背熱四肢麻木覺在暈在背後即取槐子一大抄揀淨鐵鍋炒茶褐色用好酒一碗滾過逼去槐子止乘熱服酒一汗即愈如仍未退再揀槐子一抄如前炒煮服之極效縱成膿者亦無不愈此三十年屢驗之方也

治痛瘋楊梅瘡方 此方平和而取効速

當歸 防風 牛膝 羌活 甘草 木瓜 金銀花 皂莢子 熟地黄 川芎 各一錢 硬飯四

右用水五鍾煎三鍾空心服一鍾午服一鍾將晚服一鍾渣再水三鍾煎一鍾半作茶用

夏枯草湯 治瘰癧馬刀不問已未潰或日久成漏

用夏枯草六兩水二鍾煎至七分去渣食遠服此生血治瘰癧之聖藥虛甚當煎濃膏服拜塗患處多服益善蕪十全大補湯加香附子貝母遠志

治熱湯瘡

用水裏青苔陰陽為末無根水調搽患處

治湯火瘡

用螺螄殼多年乾白者火煨為末如瘡破用乾搽

之如不破輕粉清油調傳之

三金散 治面瘡有黃水者神効

青黛 三錢 松香 三錢 硫黃 一錢

右為末香油調搽如濕乾搽

又方 治面上生瘡用枇杷葉布擦去毛炙乾為末

食後茶湯調下二錢

又方 治人面卒得赤黑丹如疥然不急治生遍身

即死用鹿角燒灰豬脂和塗効

又方 治面生風粟用益母草末麪湯和燒七遍洗

面用之

新增 用杏仁不拘多少搗爛以鷄清調付面上夜

塗至曉酒洗去効

治口瘡用白礬一兩枯乾黃丹一兩炒紅色放下炒

至紫色同為末糝瘡上

又方 用宿砂火煨為末糝瘡上或用蓮花片貼之

効

又方 吳茱萸為末醋調塗足心効最宜小兒口瘡

不喫藥者一貼而愈

又方 小兒口瘡用生白礬為末水調攤紙上貼兩

脚心頰以水濕之

又方 治連年唇上生爛瘡不瘥者以八月藍葉一斤生搗取汁洗擦過三日瘥仍用前藥付之經驗
又方 治癰疽發背用大薊根倍謂之野紅花其葉有小刺四五月開花不拘多少淨洗切碎研如膏塗瘡上其冷如水初發者能消散已成者速潰
又方 惡瘡無頭用皂莢刺燒灰陰乾為末酒調三錢嚼蔡菜子三五箇送下

又方 治癰疽不消已成膿怕針不得破用白鷄翅下取第一毛兩邊各一莖燒灰水調服

又方 治一切惡瘡不收口用瓦松不拘多少陰乾為末先用槐枝葱白湯洗過糝之立効灸瘡久不瘥者更効

又方 治多年惡瘡用馬齒莧搗爛付之亦治翻花瘡其形如開花之狀將莧燒灰豬脂調付

治發背初覺疑似之間用白礬以火鎔化即丸如豆大每服二三十丸白湯送下被蓋汗出其瘡自散若日久其瘡已成不可為也

又方 治癰疽惡瘡初發一日二日預防毒氣攻心可先服此藥若嘔吐者不可治也真菘豆粉四兩乳香通明者一兩為末每服二錢濃煎甘草湯下

可効

治鬢邊生軟節名發鬢有數年不愈者用豬頭上毛
貓頸上毛各一撮燒灰鼠屎一粒為末以清油調
付之

治便癰用皂莢不蛀者燒過陰乾為末酒調服或用
皂莢子七粒為末水調服亦効又用皂莢炒焦小
枋炒等分和勻以熱醋調仍以紙攤貼患處頻頻
水潤之効

又方 用胡桃七箇燒過陰乾為末酒調服不過三
服或用生蜜米粉調休吃飯利小便効

治疔瘡用蒼耳子根梗苗但取一色燒灰和醋調如
泥塗乾再換上不過十次即拔出根立効

又方 用生蜜調鴨年葱一處研成膏先將瘡周圍
以竹篦刺破然後用藥於瘡上攤之緋帛蓋覆如
人行二十里覺疔出然後以熱醋湯洗之

又方 治疔瘡垂死者用甘菊花葉一把搗汁一盞
入口即活冬月用根此方神効

又方 治魚臍疔瘡用絲瓜葉連鬚葱韭菜同入石
鉢內搗爛如泥以酒和服粗貼腋下如病在左左
手貼在腋下在右手貼右腋下在左足貼左膝在

右足貼右膝如在中則貼心臍並用布帛包住俟肉下紅絲處皆白則可為安如有潮熱亦用此法却令人抱佳恐其顛倒則難救矣

蟾酥丹 治疔瘡極驗并一切無名腫毒惡瘡皆効用蟾酥三錢雄黃硃砂各二錢研極細末於每年五月五日午時脩合用婦人生男月內乳汁為丸如菜豆大每服一九先飲葱煎酒一鍾後將此藥壓舌下噙化

治療瘰用草麻子炒熟去皮爛嚼臨睡服二三枚將加至十數枚甚効

專治鼠瘡癰癩不分男女歲月新久並皆治之一月內即愈

此方珍重不可失傳極驗如神取桑柴不拘多少去皮并虫蛙者於避風處壘作一籠發火燒之勿動自然成灰三斤再用風化石灰六斤各羅極細用筐一箇以生絹一尺放筐底內先用桑柴灰一層在下次按石灰一層在中如此一層一層重疊攤上按實至盡中按成窩上剪圓紙一方貼窩上用熱滾水時時滴之瀝至三四碗傾在新砂窩內用文武火熬至一二鍾極醲為止用筋頭點在手

臂上試驗即泡起為度待冷以磁瓶收貯密封瓶口勿得泄氣治瘡之時另用前桑柴灰一兩石灰二兩以前貯藥水調成膏量敷瘡上勿著好肉皮稍候良久不疼用簪輕撥去舊藥再上新藥待紫血出盡紅血出為度如未見紅血再上一二次務見紅血津出即止再不必上藥待候自滴血水十日方可用生肌藥搽之以愈為度歛瘡口生肌藥松香二兩艾心一兩香油四兩輕粉一錢先將香油傾放粗磁碗內將艾揉爛紙捲成炷入油碗內以松香捲成紙撚火點著放艾上將松香時時入艾火上化滴入油內待艾香二味著盡為止再用生絹扭去粗方入輕粉攪打數百下令勻以雞翎掃上一日三次待歛口生肌為度

治項後生疙疸不變肉色不問大小日月深遠或有赤硬腫痛用生山藥一挺去皮草麻子二箇右二味研勻攤帛上貼之如神

治瘤癩凡皮膚頭面上生瘤大者如拳小者如粟或軟或硬不痛者用大南星一枚細研稠粘用米醋五七滴為膏如無生者用乾者為末醋調如膏先將小針刺鍾庸處令氣透却以膏藥攤紙上量瘤

大小貼之

又方 治癩瘡兼去鼠爛痔真奇藥也用芫花根洗
淨帶濕不得犯鉄器於木石器中搗取汁用線一
條浸半日或一宿以線繫瘡經宿即落如未落再
換一二次自落後以龍骨訶子末付瘡口即落繫
鼠爛痔依上法累用之効

治翻花瘤 用馬齒莧一斤燒灰研細豬脂調付

治臙瘡 用黃蠟煉攤冬青葉上貼縛定日換一葉
至七日換七葉愈

治白禿瘡 用鯽魚二箇重三四兩去腸肚以亂髮

填滿濕紙裹燒存性雄黃二錢共為末清油調付
先以薤水洗拭後用藥

治疥瘡 用豬肚一個放皂莢同煮熟去皂莢食之

妙

治遍身白疹蚤痒不止用小枸橘多少切作片麩皮
炒黃為末每服二錢酒浸少時去枸橘但飲酒最
妙仍以枸杞煎湯洗患處妙

紫白癩風錠

硫黃一兩好醋煮化入海漂消四片

為末拌均捏成錠子用生薑汁蘸捺破用

治陰頭生瘡用溪澗中舊螺螄入乾鍋內煨過以鹽水洗五七次後以此藥付之

治妬精瘡用大田螺兩箇和殼煨過存性為末入輕粉少許付患處即安

治陰瘡用桑樹根白皮搗汁洗之

治手足并耳上凍成死血作痒作痛用蟹螯殼燒灰研末菜油調搽愈

治白禿瘡即辣菜頭先用宰豬豬毛湯洗淨用烟膠三錢川椒一錢枯白礬一錢研末香油調搽之即愈又治牛皮血癬瘡

治癬疥破用穀樹汁塗之愈

治鼻疳爛通鼻孔用鹿角一兩明礬一兩俱放在瓦上隔火煨過人頭髮五錢在燈火上燒過共為末溫花椒湯洗淨摻藥於疳上三四次即愈如瘡不收口用瓦松燒灰存性研末乾擦之即收

治四時腮腫名曰疔腮用赤小豈一合為末醋調搽之愈

治瘰癧取金絲桃蓋大者連枝帶葉摘下用陰陽瓦將火炙乾空心清茶嚼下蓋七枚服至日男覺陰囊作痒或痛婦覺乳痒或痛即用防風通聖散飲

二三服俱消其蓋須用蓋邊有四個葉者纔妙

治紅絲瘡又名血箭瘡其瘡起于手者頃刻紅絲長到胃邊起於足者頃刻絲長到小腹邊即死須於杓起之時紅絲兩頭俱將繩線縛住即將瘡頭上刺出毒血後嚼浮萍敷之愈

治漆瘡 用蠟黃搽之即愈

治痔瘡 用冰片點之即愈

治痔用蝸牛五六箇去殼冰片三分射香三分同研成膏自化為水點在痔上即愈

治下疳瘡用海飄硝一兩靛花青一錢為末塗之

治癰疽惡瘡癰發處者欲使毒氣不攻心用牛皮膠透明者四兩一碗入膠在內隔湯煮待膠化攪勻和酒隨意飲以醉為度不能飲者用白滾湯和膠飲盡為度此法活人最多

治便毒用肥皂子燒灰存性為末每服三錢空心酒調服即消

治便毒初起用赤何首烏半斤米泔水一夜竹刀切為片搗爛取汁用酒半斤攪和頓熱不拘時服略睡片時有微汗即消

治楊梅瘡用樺皮四兩煎酒將雄黃透明者為末三

錢空心調服五次即効

又方 土茯苓四兩僵蚕一錢蟬退一錢肥皂子一錢皂角刺一錢水三碗煎一碗服五七服除根
又方 只將杏仁一味不拘多少去皮尖研末將水調塗瘡上二三日其瘡自然脫落

治發背癰疽等瘡自項後以至腰背眼看不見者皆是先用上品金墨和三冬老醋磨至極濃將瘡脚四畔圍住即以芫姜和豬膽搗爛塗在瘡上用黃紙封之乾即再如前法塗上立効 詩曰 發背癰疽不難鑿金墨磨醋四邊圍豬膽生姜塗在上

三日恰是鬼神移此方雲南傳來經驗五次矣

治一切腫毒初起用芙蓉根在泥內不見天日者同白酒糟帶酒者和勻搗爛塗抹即退

卒得惡瘡不識燒苦竹葉和鷄子黃傳之

治石癰其瘡堅硬如石按之不甚痛但覺木悶用商陸之根搗爛敷之如乾了又換敷直至瘡軟為度仍用托裏散堅之藥服之愈

治遍身風瘡遠年頑癬久醫不効者用烏鯉魚俗名黑魚去腸將蒼耳子填入黑魚腹內又鋪蒼耳子在鍋內畧用些水慢慢火煮熟去蒼耳子并魚皮

骨淡吃勿用葢醬食三四次有大効若患大風症者依此法常食此魚久而自愈

治婦人乳癰或岩初起用蒲公英連根葉搗汁入酒飲之將相敷患處消

凡瘡癩腫毒將好未之時如往有喪之家吊孝并望等項其瘡腫即復發切忌切忌

治對口瘡此瘡生在後項與口相對有此瘡者十而九死須用高山洞內或古井邊鳳尾草草下結有金錢樣者謂之金錢鳳尾草和些鹽搗至極爛塗在瘡上用手巾繫束之立愈

治急喉痺用燈心燒灰存性取少許吹喉中甚捷

治癩瘡名楊梅瘡効不盡述不論新舊每日清晨空心用豬苦胆一枚取汁入磁罍內兌滾熱燒酒一盃調勻一氣服之逐日如此服七日大便下濃血為驗再服七日其瘡自乾至重者不過三七全愈忌鷄鵝羊驢牛肉一月

治癩瘡及諸久瘡有虫者

用煙豬油光粉黃連搥成膏將瘡洗淨將膏貼上數日即愈也

治諸瘡腫毒或發背即愈 用青芋搗爛酒炒敷之

甚驗

治癩瘡方 用新熟豆腐一斤細在患處一日或一片換亦可貼三日出黃水即愈

治癬 防風 荆芥 草烏共煎湯洗即愈

治一切腫毒初紅之際以水菖蒲頭搗燒熟油塗之即愈火紅刺葉燒熟封之亦可大抵發背亦可用也

疔瘡方 蘆甘石二兩 先將黃連二兩煎水五碗

將蘆甘石火煉七次先四次於童便淬後三次投於黃連水內連水搗細二三重飛過務得其極細

者晒乾用乳香三錢沒香三錢真珠二錢琥珀二錢片腦一錢全蝎一錢要水浸使無鹽味火焙乾各為細末同蘆汁石攪勻擦上必先用前書所載十二味防風荆芥等味洗瘡然後以此藥擦上甚妙如神

採葉膏方

紫荆花葉末 十兩 芙蓉末 二兩 桑葉末 五錢 側柏

葉 一兩 調法 一如毒瘡初發未破傷將前不用水

白涼酒調之如是成形了或半熟或針灸破了用極厚苦味茶調之量加些真香油和調以指搗散

均用之調茶調白水酒俱用和香油凡生各熱毒
或破潰成頭極痛時此藥末調苦茶敷上即涼氣
入則不痛諸毒瘡及小兒遍頭上身各處俱可塗
敷至於杖瘡亦可未破亦可破潰亦可葉末四味
只紫金末一味俱可用入芙蓉末和之二味尤可
也桑栢二味驗之不用亦罷用之可收瘡口故耳
面上生疔瘡及身上諸瘡初發用生五倍子研極細
調豬膽塗上即愈如勢重用生蠟蟾肝和蒜搗爛
塗以麪為餅蓋之即愈或用蟾酥點頭上四邊以
五倍子調豬膽亦可口渴甚以生地黃浸水煮粥

飲立止

便毒方只用一帖

大黃五錢穿山甲三錢赤三錢白芷三錢姜蚕三錢水三錢泡炒

云俱搗碎用酒和白湯下

後方服四帖

當歸一錢川芎八錢白芍藥錢炒七生地一錢連翹

八分黃耆一錢白芷七分金銀花一分錢五粉草五分

水酒煎服

治疔瘡三十六種皆治之

治疔瘡毒氣攻心欲死以針刺其瘡但覺痛有血

處下錠子若無血以親人血代之猶活三四况瘡
物發無有不効大抵疔瘡形如粟米遍身麻木頭
眩寒熱四肢沉重心驚眼花蓋疔初生突起如疔
故謂釘含蓄毒氣突出寸許一二日間害人甚速
是尤在癰疽之上疔有三十六疔惟手足頭面骨
節間者最急其餘可緩也

蟾酥一錢粉霜一錢白丁香一錢白礬一錢膽礬
錢硃砂六分金邱花二錢銅綠七分烏頭一錢血
竭一錢天南星一錢辰砂六分鬱金一錢雄黃一錢
鹿角一錢生用狗寶一錢

右為極細末用蟾酥和水和藥如麥子大搥作錠
子每遇疔瘡下錠如覺痛不須再用以膏藥貼之
膿出自瘡此方神効

僧人專用五灰膏不如前方天遠

免瘡癩方 小兒於六月六日吞皂莢子論歲每一
歲一枚每年至此日白湯吞一次歲以為常可免
瘡患嘗見大人亦于此日吞七枚或二十一枚一
年免瘡癩之患有驗

治楊梅瘡

牙皂角一兩桔梗一兩金銀花一兩地骨皮一兩

白癬皮一兩 五加皮一兩 防風一兩 土茯苓一兩
薏苡仁一兩

共剉片每貼一兩二錢 用水四鍾煎二鍾 食後代
茶服 忌雞魚羊肉燒酒

眼目門

治害眼

陳皮 茯苓 白蒺藜 草決明子 知母 黃

連 黃芩 蜜蒙花 龍胆草 各等分

治眼生翳并精上生點名喚退翳散 蜜蒙花五錢 荆

芥穗一錢 川芎一錢 羌活一錢 白石膏火煨五錢

蒼朮一錢 藁本一錢 草決明子五錢 木賊節一錢 去

乾菊花六錢 白蒺藜一錢 五分

洗眼方

治一切風毒上攻暴赤腫疼難開 薄荷 歸尾

楨榔 赤芍藥 防風 甘草節 皮硝 杏仁

以上各飛礬三分 銅綠二分 用水二鍾煎一鍾

乘熱洗眼消腫止疼即愈

育神夜光丸

當歸 遠志 以甘草水煮牛膝 去蘆懷地

骨皮 去梗用兔絲子 搗去灰土酒煮爛 搗成餅日暴

入生地黄懷慶者酒洗熟地黄懷慶者酒洗同生地黄木白同

搗成枳殼去穰麩炒甘州枸杞 甘州菊花去梗

右各等分為末生熟地黄搗膏入前藥煉蜜如梧桐子大每服五十六丸空心用鹽湯食後溫酒臨睡茶清送下

又方 用王瓜內盛皮硝吊在背陰瓜傍硝自出用調溫水洗眼光明

又方 治時行害眼并風眼有淚者用皮硝六錢水一甌煎七分候冷定洗眼每日洗數次眼如童子明每一月煎一遍

治目眼暗不明用十二月乾桑葉不落地者煎湯洗眼愈

治眼中弩肉攀睛桑樹嫩根洗淨燒為白灰每用一茶匙以滾水一大碗沖之攪勻澄清去灰渣以水洗目日以為常三日後其肉自消灰非存性乃化為白者

又方 專治眼暴赤作痛用黃栢不拘多少削去粗皮取內細皮剉碎以濕紙果黃泥包煨候泥乾取出去泥每用一彈子大紗帛包水一盞浸飯蒸熟乘熱熏洗効

治眼腫痛用生姜自然汁調飛過白礬貼眼胞上痛

即止

又方 用青鹽火煨赤取出以碗合地上出火氣研細每用半錢熱湯一盞泡溫洗爛眼及拳毛倒睫効

治眼青盲以豬膽五枚取汁於銅器中慢火煎令可丸即丸如黍米大納眼中有驗

又方 用野菊花作枕最能明目

又方 治虛勞眼以採三月蔓菁花陰乾為末用井花水每日空心調下二錢七効又服可讀夜書

治火眼初得者用山梔子三五錢搗碎以好熱酒一

碗傾在內上用碗蓋之浸少時留粗速飲外將粗付於患眼胞上粗乾去之効

又方 飛絲入眼用新筆於眼內運攪即收在筆上治風眼紅爛邊者三五日可愈

紅棗三枚去核入白礬三塊九分浸火中將礬煨化取出用手撚爛於水中以淨帛隔去渣垢仍在滾水內少頓片時洗之

治眼痛經驗方

用扁柏葉同乳香木香蜜搗和塗目上下睚即愈眼腫用芙蓉花葉搗蜜敷上即効

石斛夜光丸

治眼中神水寬大漸散昏如霧中行漸空中有黑
 花又漸覩物成二體文則光不收及內障和水淡
 綠淡白色者此方甚好宜加當歸一兩 天門冬
 焙心人參各一兩 兔絲子酒浸焙心五分 五味子炒五
 麥錢 門冬去心焙杏仁皮尖去枸杞子 川牛膝 菊花
 草決明各七錢 羚羊角五錢 白茯苓 生苧 熟
 芎 乾山藥各七錢 白蒺藜 金石斛 肉蓯蓉
 川芎 甘草炙 枳殼炒 穰面 青廂子 防風
 黃連去皮 生烏犀角細末 各五錢

右二十五味剉碾末煉蜜為丸如梧桐子大每服
 三五十九溫酒鹽湯任下右方蓋補藥也補上治
 下制以緩利以久不利以速也故君以天門冬人
 參兔絲子之通腎安神強陰填精也臣以五味子
 麥門冬杏仁茯苓枸杞子牛膝生地黃之斂氣除
 濕涼血補血也佐以甘菊花蒺藜石斛肉蓯蓉川
 芎甘草枳殼山藥青廂子之療風治虛益氣祛毒
 也使以防風黃連草決明羚羊角生烏犀之散滯
 泄熱解結明目陰弱不能配陽之病並宜服之此
 從則順之治法也

秘傳羊肝丸 治肝經有熱目赤睛疼視物昏澁

白羊子肝一具去膜 洗淨 宣黃連去鬚鳩羅為末 三兩粗者

佳右將羊肝先入沙鍋內杵爛旋次入黃連末拌

搗乾濕得所為圓如梧桐子大每服五十九食後熟水送下

春雪膏 治肝經不足內受風熱上攻眼目暗痒痛

隱澁難開及多眵赤睡怕日羞明不能遠視迎風有淚多見黑花

片腦二錢 麩仁去皮殼細研去油稱二兩

右用生蜜二錢重將片腦麩仁同搜和用銅筋子

或以金銀釵股時復點背長連眶赤爛以油紙塗膏貼之

治眼仙方 用上好杞子一斤以童便洗淨陰乾用

人乳一碗生蜜半碗將杞子共為一處拌勻陰乾

入蒸籠蒸之約一炷香取出日晒夜露三日三夜

以磁瓶藏之每日不拘早晚後便服之其目還光

神効方也

洗赤腫眼方

用黃連當歸甘草赤芍藥各等分為片煎湯入棗

挾大銅絲一塊露經一夜絹瀘溫洗

耳門

麝香散 治耳虛鳴

麝香 半錢 全蝎 十四個 薄荷 十四葉 裹麝香全蝎

右為細末滴水捏作錠子塞耳內極妙

通靈丸

松香五錢放在鐵鍋內鎔化用巴豆二十顆為末入松香內用葱汁為丸如蓮子大用絲綿裹塞過夜如左耳聾塞右耳右耳聾塞左耳雙耳俱聾次第塞之其効如神

耳疳丸 治小兒大人疳疔出膿及黃水

白礬 五分 麝香 五厘 胭脂 二分 陳皮 燒灰 五分

先用綿枝子纏去膿方用別綿枝子送藥入耳口

治耳聾用樓子葱尖插耳中

又方 用九節菖蒲末草麻子為膏綿裹塞耳中

又方 用草麻子五十個去皮與熟棗一枚同搗丸

如棗核大便入乳汁同和每用一九綿裹納於耳

中覺熱為度一日一換如藥難丸日中晒少時丸

之

治耳聾久不聞聲緊磁石一塊如豆大穿山甲三啣

少此生鉄覺耳中如風雨聲即愈

治耳痛用鱧魚血數點入耳內即愈

又方 用杏仁炒焦研細以綿裹塞耳中

治耳瘡腫痛 用五倍子為末水調塗如有水起擦

之

治耳鳴晝夜不止及痒者用烏頭一枚燒灰菖蒲各

等分為細末以新綿裹塞耳中日三次妙

治百虫入耳用鷄冠血點入耳中即出

又方 用桃葉搗細塞耳自出或以藍青研汁點耳

中

又方 蒼蠅入耳最害人用皂莢子內虫研爛同生

鱧魚血灌耳中

又方 治蜈蚣入耳用生姜汁灌耳中自出或以熟

雞肉一塊置耳孔邊自出或以韭汁灌耳中自出

耳聾鼻塞方

用柿餅三個切碎粳米三合同豆豉煮粥食好

鼻門

治鼻不止立効

犀角一兩地黃生 熟地黃 牡丹皮

蒲黃 梔子 鬱金 生末水即童 黃柏 黃芩

以上各五錢 右咬咀分作五服水二鍾煎至一

鍾温服

又方 多年陳荆芥穗燈烟上焙焦黑色一存性
每服三錢童便調下

又方 用人頭髮一握撚緊燈上燒焦出油衄血時
塞鼻孔

赤鼻方

雄黃五錢用透明成塊無石紅色者為佳硫黃五
錢陳水粉二錢真正者共為細末合一處用頭生
男乳汁調敷不過三五次即愈

治酒渣鼻用白鹽常擦妙

新增

杏仁爛研雞清調夜塗至曉熱酒洗去最效

治鼻瘡

用杏仁研乳汁和付或以烏牛耳垢付之